

Broj: 03-02/1-741/22 AG
Sarajevo, 29.07.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:		01-08-2022	
Org. jed.	Broj	Priloga	Vrijednost
05/1	-02-	246	/22

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
n/r gđa Jasmina Zubić, poslanik

PREDMET: Odgovor na poslaničko pitanje, dostavlja se

Poštovana,

Federalnom ministarstvu rada i socijalne politike je putem kabineta sekretara Predstavničkog doma Parlamenta Federacije Bosne i Hercegovine, odnosno putem Vlade Federacije Bosne i Hercegovine, dostavljeno poslaničko pitanje koje ste uputili ovom ministarstvu, a koje glasi:

“U kojoj fazi realizacije je Inicijativa za dopune Zakona o zaštiti na radu (“Službene novine Federacije BiH”, broj: 79/20), koju je uputilo Udruženje društava za osiguranje Federacije BiH broj: 12/22 od 22.02.2022. godine, a odnosi se na član 22. i 86. Zakona.”

Sa aspekta nadležnosti Federalnog ministarstva rada i socijalne politike, dajemo sljedeći:

ODGOVOR

Federalnom ministarstvu rada i socijalne politike dostavljen je akt Udruženja društava za osiguranje u Federaciji Bosne i Hercegovine broj: 12/22 od 22.02.2022. godine, koja se odnosi na dopunu čl. 22. i 86. Zakona o zaštiti na radu. S tim u vezi, ističemo da su prethodno, dana 08.02.2022. godine, predstavnici ovog ministarstva održali sastanak sa predstavnicima Udruženja društava za osiguranje u Federaciji Bosne i Hercegovine na kojem su razmotrene nadležnosti i ključna pitanja u vezi sa inicijativom koja je naknadno dostavljena i pomenutim aktom od 22.02.2022. godine.

Na pomenuti akt Udruženja društava za osiguranje u Federaciji Bosne i Hercegovine od 22.02.2022. godine, odgovoreno je aktom ovog ministarstva broj: 03-02/1-741/22 AG od 18.03.2022. godine, kojim je podnosilac inicijative informisan da je Zakonom o zaštiti na radu predviđena posebna sigurnost i zaštita zdravlja na radu određenih kategorija radnika, koji su posebno osjetljivi na rizike. S tim u vezi, predviđene su posebne obaveze poslodavca kada su u pitanju radnici koji su raspoređeni na poslovima sa povećanim rizikom, na način da je odredbom člana 73. navedenog zakona propisano da poslodavac posebno osigurava od rizika nesreće i povrede na radu radnike koji obavljaju poslove sa povećanim rizikom, utvrđene internim aktom o zaštiti na radu, radi obazbjedenja naknade štete, u skladu sa zakonom.

Naime, u skladu sa odredbom člana 23. st.1. i 2. navedenog zakona poslodavac je obavezan donijeti i interni akt o zaštiti na radu, kojim se, između ostalog, utvrđuju poslovi sa povećanim rizikom, s tim da je propisano da je akt o procjeni rizika osnov za izradu internog akta o zaštiti na radu.

Shodno navedenom, utvrđivanje radnih mjesta sa povećanim rizikom nije prepušteno slobodnoj ocjeni poslodavca, kako se sugerše u dopisu Udruženja društava za osiguranje u Federaciji Bosne i Hercegovine od 22.02.2022. godine, s obzirom da se navedena radna mjesta utvrđuju na osnovu akta o procjeni rizika, kojeg u postupku procjene rizika, prema utvrđenim pravilima, izrađuje ovlaštena organizacija koja ima dozvolu Federalnog ministarstva rada i socijalne politike za obavljanje te vrste stručnog posla iz oblasti zaštite na radu. Naime, na osnovu ovlaštenja iz Zakona o zaštiti na radu, donesena su Pravila o procjeni rizika („Službene novine Federacije BiH“, broj: 23/21), kojim je propisan način i postupak procjene rizika, te sadržaj akta o procjeni rizika od nastanka povreda, profesionalnih oboljenja ili oštećenja zdravlja na radnim mjestima i mjestima rada u radnoj okolini, način i mjere za sprječavanje, otklanjanje ili smanjivanje rizika na najmanju moguću mjeru u cilju poboljšanja sigurnosti i zaštite zdravlja na radu, te druga pitanja od značaja za procjenu rizika. Odredbom člana 15. Pravila o procjeni rizika propisano je da se procjena rizika vrši u skladu sa Matricom procjene rizika prema općim kriterijima nivoa rizika (vjerovatnost, posljedica), koja je propisana na obrascu broj 1. ovih pravila i čini njegov sastavni dio. Prema stavu 2. navedene odredbe rizik se procjenjuje kao a) beznačajan rizik, b) rizik koji je prihvatljiv, c) srednje veliki rizik, d) veliki rizik, i e) vrlo veliki rizik.

S tim u vezi, Pravila o procjeni rizika predstavljaju osnov metodologije za obavljanje procjene rizika na radnim mjestima i mjestima rada u radnoj okolini, te utvrđivanje poslova sa povećanim rizikom ni na koji način nije prepuštenoj slobodnoj ocjeni poslodavca.

Nadalje, utvrđivanjem obaveze poslodavca koja se odnosi na posebno osiguranje radnika koji obavljaju poslove sa povećanim rizikom, nije izvršena diskriminacija u odnosu na druge radnike, već je prepoznata potreba da se zbog povećane osjetljivosti na rizike, radnici koji su raspoređeni na radnim mjestima sa povećanim rizikom i dodatno zaštite. Ovo iz razloga što se u navedenom slučaju radi o radnicima koji obavljaju poslove sa povećanim rizikom od povređivanja, odnosno poslove sa specifičnim zahtjevima u pogledu njihovog obavljanja.

S tim u vezi, pitanje posebnog osiguranja radi naknade štete je Zakonom o zaštiti na radu uređeno na navedeni način, dok bi za eventualno uvođenje sistema kolektivnog

osiguranja svih radnika bilo potrebno uključiti druge nadležne institucije za oblast osiguranja.

S poštovanjem,



CO:

- Kabinet sekretara Predstavničkog doma
Parlamenta Federacije Bosne i Hercegovine
n/r gosp. Ivan Miličević, sekretar
(veza: Vaš akt broj: 05/1-02-246/22 od 26.07.2022. godine)
- Vlada Federacije Bosne i Hercegovine
n/r gđa mr. sc. Edita Kalajdžić, sekretar
(veza: Vaš akt broj: 03-04-96-6/2022 od 27.07.2022. godine)